

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

تَبْلِیغَات

آبونه اولق ایستینلر دائره عدلیه ده
اداره مخصوصه سنه مراجعت
ایتملدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

تَبْلِیغَات

ملتزمین ایله کفلا جانندن حین التزام و کفالتده
رهن و یا تأمینات صورتیه کوستریلوب خزینه جه حجز
اولنان اراضی امیریه و موقوفه متصرفلرینک و فاتیله
اولاده انتقال ایتک و مستحق طایو اولق کبی احکام
قانونیه جریان ایدوب ایتیه جکند و بوضورتله وضع
ایدلش اولان حجزک فکیله احکام قانونیه اجرا سی
لازم کلا یکی تقدیرده محکمه قراریه حجز احتیاطی آلتیه
آتمش اولان اراضی امیریه مشالو بوقییل اراضی
محجوزه نک فک حجزی حقنده نشر اولنان انجمن
عدلیه قراری دائره سنده علاقه دارانک محکمه یه
مراجعتله اقامه دعوی ایتلری لازم کلوب کیمه جکی
ویا خود حجز موضوع نظر اعتباره آله رق متصرفک
وفاتندن صکره دخی اراضی مذکوره نک فروختی
جائز اولوب اولمدینی خصوصلرند ترد ایدلیکنندن
بجمله استفسار معامله یه دائر اضروم استیناف محکمه سی
مدعی عمومیلکدن وارد اولان تحریرات اوزرینه، جانب
میریدن در عهده ایدیلان بدلات التزامیه بی تأمیناً ارانه
اولنان املاک و اراضی به قیدی بالارینه شرح و یرلک
صورتیه وضع اولنان حجزک قانون دائره سنده موضوع
بر حجز قییلندن صلیله میه جکی جهته بو مثللو اراضی
امیریه و موقوفه متصرفلرینک و فاتیله اولاده انتقال
ایتمک و مستحق طایو اولق کبی احکام قانونیه نک
جریاننه مانع اوله میه جغندن انجمنک قرار سابق
دائره سنده علاقه دارانی طرفلرندن محکمه عانده سنه
مراجعتله حجز مشروحک فک ایتدیرلمسی ضروری
بولنش ایسه ده اراضی مذکوره متصرفلرینک جانب
میری یه مدیوناً وفات ایتش بولندقلری حالده اراضی
امیریه و موقوفه نک بعد الوقات تأمین دین ایتسنه دائر
اولان نظامنامه یه ذیل اولنان مواد نظامیه نک
التجیسنده « اصالة » و یا کفالة میری یه مدیوناً وفات
ایدوب اموال و املاک متروکه لری دین میریلرینک
تأدیه سنه کفایت ایتیانلرک بالاجارتین تصرفلرنده
بولنان مسققات و مستغلات موقوفه ایله اراضی امیریه
و ووقیه فروخت و اثمانندن تأدیه دین اولنور « دیو

مَحَاکِمَاتُ مَقَرِّات

محرر اولسنه نظراً بو مقوله جانب میری یه مدیوناً
وفات ایدنلرک اراضی امیریه و موقوفه لری دین
میریلرینک تسویه سیچون فروخت اوله بیله جکندن
بو خصوصده اکا توفیقاً اجرای معامله اولنسی
لازم کله جکی انجمن مذکور دن افاده اوله رق اولوجهله
عدلیه نظارت جلیله سندن ذکر اولنان مدعی عمومیلکه
تبلیغات مقتضیه ایفا اولنمشدر .

صندقلی قضا سنک حجان قریه سندن حسنی بن
سلیمی قتل ایتسنندن طولای جنایتله اتهام اولنان
قریه مذکوردهلی چوبان علی بن حاجی محمدک اون بش
سنه مدته کورکه قونلسنه دائر خداوندکار ولایتی
استیناف محکمه سی جزا دائره سندن ویریلان ۱۵۴
نومرولی اعلام محکمه تمیز جزا دائره سنجه تصدیق
اولنمشدر .

رسومات قوجیلرندن حسن افندی یه قتل قصدیه
تشییر سلاح ایلدیکی ادعا اولنسنندن طولای جنایتله
اتهام اولنان زفرینک اوچ ییچ سنه مدته کورکه
قونلسنه دائر اشقودره ولایتی استیناف محکمه سی جزا
دائره سندن ویریلان ۴ نومرولی اعلام محکمه تمیز
جزا دائره سنجه تصدیق اولنمشدر .

بعلیک اها لیسندن حسین بن قاسم شداد و علی
بن عبده محورینک کیفیت قتلرندن طولای جنایتله
اتهام اولنان احمد بن محسن و حسن بن علینک اون
بشر سنه مدتلرله کورکه قونلرینه دائر سوریه ولایتی
استیناف محکمه سی جزا دائره سندن ویریلان ۲۹۳
نومرولی اعلام محکمه تمیز جزا دائره سنجه تصدیق
اولنمشدر .

قلعه ناحیه لی موسی کهیا اوغلی اسماعیلک انای
راهدده اوکنه چیقه رق جرح و نقد موجودینی اخذ
و غصب ایتسنندن طولای جنایتله اتهام اولنان چولخه

اوغلی حبیب بن عثمانک اوچ سنه مدته کورکه قونلسنه
دائر دکزلی سنجانی بدایت محکمه سی جزا دائره سندن
ویریلان ۱۶ نومرولی اعلام محکمه تمیز جزا دائره
سنجه تصدیق اولنمشدر .

نحوری قریه سی اها لیسندن استماطی ولد قوچو
رادینک کوزینی جرح ایله رؤیتسندن محروم ایلدیکی
ادعا قلمسندن طولای جنایتله اتهام اولنان قریه
مذکوردهلی قسطی ولد دیمتری اپوستولیدینک اوچ
سنه مدته کورکه قونلسنه دائر ساقز سنجانی بدایت
محکمه سی جزا دائره سندن ویریلان ۱۳۵ نومرولی
اعلام محکمه تمیز جزا دائره سنجه تصدیق اولنمشدر .

ادرمد قضا سنک اکیر قریه لی بابا اوغلی حاجی
علی جرح و قتل ایتسنندن دولای جنایتله اتهام
اولنان قریه مذکوردهلی ابراهیم اوغلی خلیلک اون
بش سنه مدته کورکه قونلسنه دائر قره سی سنجانی
بدایت محکمه سی جزا دائره سندن ویریلان ۳۴۹
نومرولی اعلام محکمه تمیز جزا دائره سنجه تصدیق
اولنمشدر .

یافه قضای اها لیسندن بیاره السید ابراهیم
برکانک خانه سنه بالدخول سرقة تصدی ایتدیکی
ودیاره مصطفی ابن احمد غرامک تعطیل عضوینه
سبب اولدقلری ادعا اولنسنندن دولای جنایتله اتهام
اولنان محمد ابو زید والسید ابو باشا بن عبد و حسن
بن علی الجعفرینک اوچر سنه مدته کورکه قونلرینه
دائر قدس شریف سنجانی بدایت محکمه سی جزا
دائره سندن ویریلان ۳۶ نومرولی اعلام محکمه تمیز
جزا دائره سنجه تصدیق اولنمشدر .

قیر شهرینک ایچ ناحیه باش قریه سی اها لیسندن
دارنجی اوغلی عبداللهی جرح ایله تعطیل عضوینه
سببیت ویرمسندن دولای جنایتله اتهام اولنان باطی
موسی اوغلی همتک درت سنه مدته کورکه قونلسنه
دائر قیر شهری سنجانی بدایت محکمه سی جزا دائره -

سندن وریلان ۳۶ نومرولی اعلام محکمه تمیز جزا دائره سنجه تصدیق اولمشدر .

۱۳۰ نومرولی نسخه ده مندرج در سعادت

جنایت محکمه سی اعلامنک بقیه سی :

متم حنیفه نك وکیل امین افندی، فعل قتلک موکله سی طرفدن ایضاع اولمیدی کبی قتل مذکورده دخل واشترکی دخی اولدیغندن وایده لینک وکیل استپان افندی، کرچه موکلی فعل قتلک طرفندن ایضاع ایلدیکی اقرار ایتمکده ایسه جهت جزایده اقرار حکمه کافی کورده میه جکندن ویکرک وکیل ابراهیم افندی دخی فعل قتل مذکورک موکلندن صدور ایتمکده دائر دلیل واماره مفقود ایدوکلندن بحث ایله اظهار عدالت ایدلمسی استعدا و متممل دخی بشقه بر دیه جککری اولدیغنی انبا ایتلریله محاکمه نك ختام بولدیغنی تفهیم اوله رق مذاکره اوله سینه کیدلدی .

بروجه مشروح طرفنک ادعا ومدافعاتی استماع واوراق تحقیقه مندرجانی تدقیق ومطالعه و خلاصه ایلدیرک سرابا استطلاع اولندقدن صکره جریان ایدن مذاکره ده متمملردن بکر ایله حنیفه حضور محکمه ده سلیمان افندی نك قتل مادمه سنده دخلری اولدیغنی سرده قیام وایده لی دخی بکرک تهدیدیه قته جرأت ایتمیکی بولنده ایراد کلام ومدافعه وکیلایده اجرای عدالت اولنسی استرحام ایتمکده اولدقلردن ومقتول سلیمان افندی نك ایاقلری جهتندن انداخت ایدیلان تفنک قورشونیه حاصل اولان ایکی ععدد جرحدن متأثراً وفات ایتمیکی طیب راپوری ایله متحقق ایدوکلندن بروجه آتی فصل مسئله به کیریشلیدی :

متمملردن بکر ایله حنیفه نك مناسبات غیر مشروعه ده بولندقلری خبر آلان مزبوره نك، زوجی مقتول سلیمان افندی نك خانه سته مرقوم بکرک کیدوب گلنسی معدن طولانی سلیمان افندی بی قتل ایتمیکی تقدیرده بش ایرا وره جکی وعد و تهدید ایدرک کندوسنی قاندردیغنی ووقعه کیجه سی ساعت الی راده لرنده مرقوم بکر مستأجر بولندینی دکرمانه کلوب برلکده سلیمان افندی نك کوبه وصول وزوجه سی حنیفه طرفندن آجیق براغلمش اولان خانه سی قوشندن ایجرویه دخول ایله بکرک ویردیکی جفته تفکیکه سلیمان افندی بی قتل ایتمیکی متمملردن وایده لینک دائره استسطاق وحضور محکمه ده طایعاً اقرار ایتمسه وحنیفه نك بکر ایله کورشمه سندن طولانی زوجی سلیمان افندی نك کندوسنی تکدیر ایتمیکی کبی بردها خانه لرینه گامسی ایچون مرقوم بکره خبر کوندردیکی

وبونک اوزرینه بکر کیزلجه خانه لرینه کله رک زوجی سلیمان افندی بی قتل ایده جکنی ورضا کوسترمدیکی تقدیرده کندیسینده اولدیره جکنی سرد ایله تهدیدایده بولنسیله ارضا ایتمیکی ووقعه کیجه سی بکر وایده لی کله رک وایده لینک زوجی سلیمان افندی بی قتل ایتمیکی استسطاقده ویکرکده شاهدلر محضرنده اقرار ایتش اولدقلری حالد محکمه ده انکار تمیت ایتمکده ایسه لرده مزبوره نك اعترافی اوراق رسمیه ومعتبردن اولان استسطاقامیه مربوط اولدیغنی کبی قبل الاستسطاق بکر ایله برابر کیفیتی طایعاً اقرار ایتمککری دخی اظهار حق مداری اولق اوزره استماع قلمان شاهدلردن یوسف ورجب اغار طرفندن اخبار اولنسنه، ومن بوره ایله بکرک همفراش زنا اولدیغنی ومقتولک حین حیانه ده سینه آباق باصامسی ایچون بکره خبر کوندردیکنک ووقعه کیجه سی خانه قوشنک مخصوصاً آجیق براغلمش ایدوکلنک وبکرک فرار و آلت قتل اولان تفنک کندوسنک اولدیغنی تأویلاً اقرار وجنازه ده بولغامق منلو شبهه بی داعی ابراز آثار ایلدیکنک جمله شهادتدن بولنسی ومحکمه ده دخی بکرک کندوسنه مقتولک وقوع بولان خبری سرد ایله میانه لرنده برودت حدوتی متضمن صرف مقال ایتمی ومن بوره نك مقتول ایله بریتاقده یاتمقده اولدیغنی حالد او کیجه برلکده یاتمامش اولسی کیفیتک اقرار مجرده قاندردیغنی تأیید وبوجهی ضابطه عدلیه تقریری دخی تحکیم وتشدید ایتمکده بولنسنه وبکر تهدیدنی ایقاعه قادر اولدیغندن وایده لی وحنیفه نك کندولری بکرک تخویف ایتمیکی سوللری براتلری غیر مستانم وعدالت احقاق حق ایله قائم واجرای عدل و داد، عمومک آسایش وصیایته خادم ومحکمه نك عهدسه حصراً بووظیفه متحنم اولسنه وایشته تدقیقات واقعه ایله حقل میدان چیقارلسنه ومتمملردن بکرک آچق وعد ایدرک وحنیفه نك قوبی آجیق براقرق وایده لینکده آچق آلتی طمعنده بولنه رق تصورده اشتراک واتفالری درکار بولنسندن ناشی میجوٹ عنه اولان جنایت فعلنده یکدیگرندن فرقلری کوریه مامسته منی اسباب مبسوطیه قارشى متمملردن حنیفه وبکرک محکمه ده کی انکار وتاویلاتی وینه مزبوره ایله وایده لینک دخی قورقدقلرینه دائر افاداتی وکیللرنک مدافعاتی قبوله غیرشایان والحاصل متمملردن وایده لینک تصور وتصمیم ایله وتفنک قورشونیه اوچیز اون یدی سنی سترین اولنک اوتوز برنجی کیجه سی ساعت الی راده لرنده ککبوزه قضاسنه تابع قارغلی قریه سنده کی خانه سنده قریه مزبوره مختاری سلیمان افندی بی قتل واهلاک وحنیفه وبکرکده مرقومه اشتراک ایتمککری ثابت وتایان اولدیغندن مرقومونک اول وجهله مجرمیتلرینه متفقاً

قرار ویریه رکا محاکمه اوله سینه عودتله قرار مذکور علناً قرائت وتفهم اولندقدن معاون مومی ایله مجرمیتلری تحت حکمه آلمان حنیفه وبکر وایده لینک قانون جزانک بوز یتشجی مادمه سته توفیقاً تحدید جزایری طلب وادعا ومدافعه وکیللریله متمملرک برده جککری قاندریغنی انبا ایتلریله بو جهت حقدن کی محاکمه نك دخی ختام بولدیغنی افهام ایدیلرک تکرار مذاکره اوله سینه کیدلدی .

جهت جزایه حقدن دخی مذاکره کیفیت اولندقدن مجرمیتلری تحت قراره آلمان حنیفه وبکر وایده لینک حرکتی جزا قانوننک بوز یتشجی مادمه سته موافق اولدیغنه وماده مذکورده دخی « برکیمسه نك تعمداً قاتل اولدیغنی متحقق ایلر ایسه قانوناً اعدامه حکم اولنور . » دیو محرر بولندیغنه منی ماده مذکورده موجبه مرقومونک اعداملرینه وشاهدلر مصارف سفریه اوله رق عدلیه وزنه سندن تسویه ایتدیریلان ایکیزوم مصارف محاکمه اولان بوز طقسان غروشه جمماً اوچیز طقسان غروشک تحصیلیه عدلیه وزنه سته تسلیم ایتدیرلسنه اوچیز اون یدی سنی شیطانک اون ایکنجی کونی قرار ویریه رکا اصول تفهیم ایفا قلندی .

اوچیز اون سکر سنی ایلونک دردنجی چهارشنبه کیجه سی عورت بازاری قریسنده احمد کتخدا محله سنده عساکر شاهانه میرلوالغندن متقاعد سعادتو صفوت پاشا ایله کتبه دن مدوح بک ومحسن پاشانک خانه لرندن سرقه و عمر افندی ایله حسن اغایه تشمیرسلاحه اجتسار ایلدیکی ادعاسیله متمملر بولان زنجی آدم حقدن اجرا قلمان محاکمه علنیه نتیجه سنده مرقومک صفوت پاشا ایله کتبه دن مدوح بکک خانه لرینه سرقه قصدیله نردبان دایه رق و آلت مخصوصه استعمال ایدرک مسلحاً کیردیکی حالد اسباب مانعه حیولتیه برشی آله مدینی شاهدلرک علی الدرجات وقوع بولان اخباراتی وضابطه عدلیه تقریری وکشف راپوری وکندوسنک صورت افادسی ودلائل سائره ایله تین ایتمیکندن اولوجهله مجرمیته ومحسن پاشانک خانه سته تخلیص کریان ایچون کیرمش اولدیغنه وعمر افندی ایله حسین اغایه تشمیر سلاح ایتمیکی متحقق اید- مدیکندن آدن طولایده برائته ومارالذر سرقه فللرندن طولانی قانون جزانک ایکیز اوتوزنجی مادمه سته علاوه سی دلائله ایکیز بکرمنجی مادمه سته تطبیقاً یدی سته مدته کورک قولنسه ۲۸ کانون اول سنه ۳۱۸ تاریخده محکمه جنایته قرار ویرلشدر .

بک اوغلنده یکشهرده یونانی آستونی بحاقله و قتل قصدیله جرح ایتمیکی ادعاسیله متمملر بولتان دیمتری حقدن اجرا قلمان محاکمه نتیجه سنده مرقومک فعل جرعه اجتساری شاهدلرک شهادتی ومعاینه راپوری وضابطه عدلیه تقریری مندرجاتی وصورت افادسی وعقیب وقعه ده فرار ایلمی ایله ثابت اولدیغندن اولوجهله مجرمیته وقانون جزانک بوز سکسانجی مادمه سته توفیقاً اوچ سنه مدته کورک قولنسه ۲۸ کانون اول سنه ۳۱۸ تاریخده محکمه جنایته قرار ویرلشدر .

بک اوغلنده باغالتیده بیوک دره جاده سنده مختاریان کایساسی عقراتندن بولان دکانی احراقه تصدی ایتمککری ادعاسیله متمملر بولان خرستوویانی وآنطونیو حقدن اجرا قلمان محاکمه نتیجه سنده مرقومونک خرستونک مذکور دکانی احراقه تصدی ایتمیکی حالد قوه دن فعله ایصال ایدم مدیکی اخباراتدن متحصل دلائل وامارات وکشف راپوری مندرجاتی ایله ثابت اولدیغندن اول وجهله مجرمیته وقانون جزانک بوز التمش دردنجی مادمه سته فقره اخیره سته توفیقاً اوچ سنه مدته کورک قولنسنه ویکرلرینک برائته ۳۱ کانون اول سنه ۳۱۸ تاریخده محکمه جنایته قرار ویرلشدر .

خاصکویده قزل مناره ده ساکن آورامک فروخی ممنوع بولتان بیاتقو بیلتی صاندریغنی ثابت اولدیغندن ایکی ایرا جزای نقدی اخذیه بیوک اطه ده مقیم مناو آبوستولک بطریق الامانه تدويع ایلدیکی یوز غروشلق اشیای سی سوء استعمال ایلدیکی اقراریه ثابت اولان یکیشهرده ساکن طنائش ولد قوجونک ایکی ماه حبسنه واشیا بدلی اولان بوز غروشک بالتحصیل صاحبته ویرلسنه ومبلغ مذکورک دبی اولان یکرمی بش غروشک دخی جزای نقدی اوله رق اخذیه

قدیللی قریه سی مختاری بسم افندی نك شاکر بکله ملک خاتمه محل ناموس سوز سوبیلدیکی ثابت اولدیغندن مومی الپدن برلیرا جزای نقدی اخذیه قاضی کوبنده قهوه جیلک ایدن استاورینک فوطینی به حرف اندازلق ایلدیکی ثابت اولدیغندن برهفته حبسنه آراسته محله سنده ساکن مناو محمدورفی حسینک کور بقال محله سنده مقیمه عایشه وشقیقه خاتمه حرف اندازلق ایلدیکری اصولاً ثابت اولدیغندن برآی حبسلرینه صدالحی صالح و ابراهیمک خلاف تنیه حرکتده

بولندقلری ثابت اولدیغندن مرقوماندن بشر بشلک جزای نقدی آلمسنه تکیه قیوسنده ساکن محمد وشعبان واسماعیل وخیریه وعایشه وعارف وصالح ویکر اسماعیل وفاطمه واحد وحسینک مضارب ایلدیکری اکلاشلدیغندن جمله سنک اوز کون حبسلرینه قاضی کوبنده آراه جیلک ایدن سلیمانک ژانه حرف اندازلق ووالده سی ماریقه یه اطاله لسان ایلدیکی ثابت اولدیغندن برآی حبسنه اسکندر بوغازنده ساکن آصادوره اطاله لسان ایدن مشینجی بدروسدن یارم آلتون جزای نقدی آلمسنه

ضرب وایراٹ خسار فللرندن دولانی مظنون اولان اسرائیل ایله ویده نك افعال مذکورده جرأتلری ثابت اوله رق اسرائیلک اون بش کون حبسنه ویده دن اون بشلک جزای نقدی آلمسنه یکدیگرینه اطاله لسان ایلدیکری متحقق ایدن ات میداننده ساکن چاشورچی انسلطاش ایله زوجیه سی قاتنه دن یارمشر وقوندره جی یانیدن برآلتون جزای نقدی آلمسنه سلیمانیده عیده اغا خاننده ساکن کوفه جی رمضانی ضرب ایدن کمرکده محاللق ایدن عثماندن برآلتون آله رق رمضان ویرلسنه

مولوچخانه قیوسنده ساکن صابره وکریمه سی امینه خاتملرک راضیه خاتمی ضرب ایلدیکری اکلاشلدیغندن مزبور تادن بر آلتون آله رق مضروبیه اعطاسنه علی بک کوبلی قلاچی چراغی نظیف بن محمدک اوسته سی یوسف اغانک دکانندن طاووه سرقه ایلدیکی ثابت اولدیغندن آتی آی حبسنه وطاووه بدلی اولان یکرمی غروشک دخی آروجه تحصیلنه

ایرانی کریم بن محمدک یونانی قوندره جی استاطی ضرب ایلدیکی ثابت اولدیغندن مرقومدن بر آلتون آله رق استاطه ویرلسنه

معونه جی ابراهیمی ضرب ایلدیکی ثابت اولان علیدن برلیرا آله رق ابراهیمه ویرلسنه بک اوغلی متصرفلق دائره سی حریق طلومیه سی افرادندن صادق ایله فری کوبنده ساکن آرپه جی یورکینک مضارب ایلدیکری ثابت اولدیغندن برر هفته حبسلرینه

قاسم پاشاده بدرالدین محله سنده ساکنه فاطمه خاتمی ضرب ایدن اوله جی درویش محمدک اون کون حبسنه نظامیه تحقیق مأمورلردن توفیق افندی بی ضرب ایدن ریختم قهوه جیلرندن یورک ایله یانینک اون بشر کون حبسلرینه

علی قبودانک کیسندن اشیا سرقه ایلمیکی اکلاشلان عثانک اوچ آی حبسنه وختام مدتده ضابطه جه کفالتله ربطیه اشیا مسروقنک صاحبته اعاده سته

دباغدر محله سنده ساکن یازمه جی احسان ایله آت یازارنده صولی خانه مقیم علینک مضارب ایله کبری اکلاشلدیغندن اوز کون حبسلرینه

دوندرمه جی قدری بی جرح ایدن نردبان قریه سنده ساکن شکری بن امینک برآی حبسنه

اوستریا دولتی تبهه سندن مرانغوز روقو سلازو- وچی ضرب و جرح ایلدیکری متحقق ایدن غلطه ده بات یازارنده ساکن دیمستوقلی وزوجه سی ارباتی واولی علغو وچراغی یورکینک اوز کون حبسلرینه کاملی جرح ایدن عرب جامع شربی محله سنده ساکن کرد حسن بن اسماعیلک برآی حبسنه وتقدير ایدیلان برلیرا اجرت جراحیه نك دخی تحصیلنه

قاسم پاشاده قهوه جیلک ایدن محرمی ضرب ایدن پولیس قومیسری حسین صدق افندی نك اون کون حبسنه ومومی ایله صدق افندی یه اطاله لسان ایلدیکی ثابت اولان مرقوم محرمک اوچ کون حبسنه

قطار مأموری محمد افندی بی ضرب ایدن غلطه ده باغ قیائنده آشتیقلق ایدن تبهه ایرانیه دن صادقک برهفته حبسنه

غارسون طومیه ی ضرب و جرح ایلدیکی ثابت اولان فرانچله جی ذقاعنده ساکنه قالیوبیدن بر بچی ایرا آلتوب مضروبیه اعطاسنه

قاملیانی ضرب ایدن شهزاده باشنده فوزیه محله سنده ساکن خیری بن طاهرک اون بش کون حبسنه درسعادت ، بک اوغلی واسکدار بدایت محاکمی جزا دائره لرجه قرار ویرلشدر .

مجازاتلارین تبتاهییه

فکه قضای بدایت محکمه سی اعضاسندن مستنطق آغوب ومستنطق معاونی حسین حسنی ومدعی عمومی معاوانی وکیل حسین حق ونظامیه جراحی محمد افندیلرک خلاف قانون خرج راه اخذیه جرأت ایشدکری اطنه ولایتی استیناف محکمه سی مدعی عمومیکندن توارد ایدن اوراق مندرجاتندن اکلا- شیله رق دیگرلری حقدن ده تعقیبات قانونیه اجرا قلنق اوزره وکیل واعضای مومی الپمانک محاکمه آلتنه آلملرینه عدلیه نظارت جلیله سندن مأذونیت اعطا وکیفیت مذکور مدعی عمومیکه تبلیغ وانبا قلنمشدر .

اِئْلَانَات

انجمن اداره عدليه:

عدليه نظارت جليله سی دائره سیله اسکدار وبک اوغلی محاکمی دواثری پابوش جیلقلرینک وپراکنده صایجیلق یهنی شربجیلک واتمکجیلک وصوجیلق وسمیدجیلکلرینک مدت الزامیه لری سنه حالیه شباطی نهایتده منقضیه اوله جغه مبنی تاریخ اعلاندن اعتباراً جمعه وپازاردن ماعدا هر کون بونلرک مزایده سنه دوام ایله کانون نائینک یکرمی ایکنجی چهارشنبه کونی قرار موقتی اعطا اولنوب یکرمی طقوزنجی چهارشنبه کونی دخی یوزده بش ضم قبولیه احالیه قطعیه سی اجرا اولنه جغندن طالب بولنان وشرائطی اکلامق ایستیانلرک ایام مذکورده دن ماعدا کونلرده ساعت الی یچقده تأمینات آقچهلرینی حامللاً انجمن اداره عدليه به مراجعت ایملری اعلان اولنور .

تجارت بحریه محکمه سنده :

استانبولده تحته قلعده رستم پاشا جامعشریفی قارشوسنده چوراجبی سلیمان افدینک ۲۸ کانون اول سنه ۳۱۸ تاریخندن اعتباراً اعلان افلاسنه ومصالخ افلاسیه نك رؤیت وتسویه سی ضمننده اعضای محکمه دن سعادتلو جلال الدین بکک ژوژ قومیسر ودعوی وکیللرندن عثمان طلعت بکک موقت سندیک تعیینلرینه ومغازه واشیای زائده بیتیه سنک تمهیرینه واوراق ودفاترینک جانبیه وبوبابده کی قرارک موقه اجراسنه محکمه تجارت بحریه جه قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولمق اوزره (۱۳ کانون نانی سنه ۳۱۸) بازار ایرتسی کونی ساعت یدی راده لرنده اصحاب مطلوبک محکمه مذکورده نك افلاس اوطنه سنه کلری اعلان اولنور .

سرکه جیده اسماعیل پاشا خاندنه مقیم تجارندن کرقرور م . م . آلیناقانک ۳۰ کانون اول سنه ۳۱۸ تاریخندن اعتباراً اعلان افلاسنه ومصالخ افلاسیه نك رؤیت وتسویه سی ضمننده اعضای محکمه دن عزتلو مارقار افدینک ژوژ قومیسر وموسیوفوکل ودعوی وکیلی قدری بک وديران ارغانیان افدینک موقت سندیک تعیینلرینه ومغازه سیله اشیای زائده بیتیه سنک تمهیرینه واوراق ودفاترینک جلیبه وكفالت ارانه ایده مدیکی حالد حبس وتوقیفنه وبوبابده کی قرارک موقه اجراسنه محکمه تجارت بحریه جه قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولمق اوزره کانون نائینک اون

بشنجی چهارشنبه کونی ساعت یدی راده لرنده اصحاب مطلوبک محکمه مذکورده نك افلاس اوطنه سنه کلری اعلان اولنور .

محکمه تجارت اجرا دائره سنده :

نسیم آسانک متوفی قره بت ورثه سی وصیه سی الی قادین ذمتده محکوم به اولان آلاچنک تسویه سیچون مدیون متوفانک مالی اولوب ورثه سنه انتقالی لازم کلان والیوم کرقرورافدی نامه وفاء مفروغ ومرهون بولنان قاضی قریه سنده جعفرآغا محله سنده بهاریه زقاغنده مکرر اوتوز بش نومروایله مرهم آلتی اوطنه وبر صالون وبر جهاتما وبر مطبخ وبر صهرنج وآرقه طرفنده باغچه ومشمولات سائرینی حاوی ودرونه قومپانیه صونی جاری سنوی اوتوز الی لیرا ایجار کتورر بر باب خانه ، فضله بدل رهندن استیفای دین اولمق اوزره ، تاریخ اعلاندن اون بش کون صکره موقع مزایده یه قونیه جغندن اشتراسته طالب اولنلرک محکمه تجارت اجرا دائره سنه مراجعت ایملری اعلان اولنور .

اعلامات نظامیه اجرا دائره سنده :

حاجی احمد افانک عمر آغا ایله ناشده وزهرا خاتملر ذمتلرنده بااعلام نظامی الاچنی اولان مبالغک تأمین استیفاسیچون مرهون وفروختی محکوم بولنان لاله لی جوارنده قزلطاش محله سنده مدرسه زقاغنده اوچ نومرولی وتخمیناً اوچوز یکرمی درت ارشون عرصه اوزرینه مبنی درت قاندن عبارت حرم وسلاملق اون ایکی اوطنه وایکی مطبخ وبر قیو مع طلومه وبر صهرنج وبرحام وصول جهتده سکسان ارشون مقداری باغچه یی حاوی بر باب خانه نك تمامی التمش برکون مدته اجرا قلنان مزایده نتیجه سنده لیرای عثمانی یوزغروش حسابیه مذکورخانه اوتوز بش بیک غروشدہ طالبی عهده سنده تقرر ایدرک موقتاً قرار داده سی کشیده قلنمش ایدی . بالاخره مدیون مومی الیهم طرفندن تمیز دعوی ایدیلرک نتیجه تمیزده دخی حقسنر چیققدقلری اولسایده کی اعلام مألندن اکلاشلمش ومذکور خانه نك دوام مزایده سی قرارلشدیرلمش اولدیغندن یوزده بش ضمیله طالب اولانلرک تاریخ اعلاندن اعتباراً اوتوز برکونه قدر بی آقچهلرله برابر درسامدت اعلامات نظامیه اجرا دائره سنه مراجعت ایملری اعلان اولنور .

عارف بکک احمد رشیدی افدی یه اولان دینندن طولانی عهده تصرفنده اولوب مرهون وفروختی محکوم بولنان منکنه ونور عثمانیه جاده سنده اوقاف هایبونه ملحق قاضی عسکر خلیل افدی کریمه سی فاطمه خانم وقفندن تخمیناً یوز اوتوز ایکی ارشون عرصه

اوزرینه مبنی کارگیر درت قاندن عبارت طقوز اوطنه واوچ صوفه وبر قیو ومرمر دوشه لی حولی وبر بودروم ومشمولات سائرینی حاوی بر باب خانه ایله آلتده واقع بر باب ترزی دکانک ثلثان حصه لرینک تاریخ اعلاندن اعتباراً اون بش کون صکره بالمزایده فروخته تشیت اوله جغنی درساعات اعلامات نظامیه اجرا دائره سنندن اعلان اولنور .

اتمکجی فلیک اتمکجی استفاتی ولد طناش ذمتده بااعلام نظامی آلاچنی اولان مبالغک تأمین استیفاسی ایچون حکماً محجوز اولوب فروختی قرارلشدیرلمش اولان طواشی سلیمان آغا محله سنده قومقبو اسکله سی جاده سنده واقع تخمیناً یوز یکرمی الی ارشون عرصه اوزرینه مبنی آلتده قصاب دکانی مشتمل سکز اوطنه وبر مطبخ وبرطلومه لی قیو وآرقه جهتده تخمیناً یوز قرق ارشون باغچه یی حاوی مکرر ایکی نومرولی خانه ومشمولاتنک ربع حصه سنک تاریخ اعلاندن اعتباراً اون بش کون صکره بالمزایده فروخته تشیت اوله جغنی درساعات اعلامات نظامیه اجرا دائره سنندن اعلان اولنور .

اسکدار بیات محکمه سی اجرا دائره سنده :

محمد شا کر افدینک غازینجی نشان آغا ذمتده بااعلام مع قائلض آلاچنی بولنان مبالغک تأمین استیفاسی ضمننده مرهون بولنان درسعادنده قوم قیو قربنده چادرچی احمد چلی محله سنده عربزاده زقاغنده بر طرفی محمد بک وبعضاً مرحوم نوری افدینک خانه لری وآرقه طرفی قلع دیواری وبر طرفی مدیونک باغچه دیواری وبعضاً کراغوصک خانه سی و طرف رابعی عربزاده زقاغیه محدود دروننده بر مخزن وبر اوطنه وبر صهرنج وتخمیناً بشبوز ذراع باغچه دروننده بر آخور وتخمیناً بیک بشبوز ارشوندن عبارت یکرمی اوچ ویکرمی بش ویکرمی یدی نومرولو دوز اوغلی شربتخانه سی دیمکله معروف شربتخانه دروننده موجود وین الاصناف کدک تعیر اولنان محل مذکورده یوز یکرمی سهم اعتباریه متصرف اولدینی اوتوز بر بچق سهم حصه سی عندالمزایده لیرا یوز غروش حسابیه سکز بیک یوز غروشدہ داین عهده سنده تقرر ایدرک تاریخ اعلاندن اعتباراً برناه ختامنده قرار قطعیه سی ویرله جکی جهته یوزده بش ضمیله زیاده طالب اولنلرک مدت مذکورده ظرفنده اسکدار بدایت محکمه سی اجرا دائره سنه مراجعت ایملری اعلان اولنور .

مطبوعه عثمانیه